

548318
5005

民國十三年

江蘇兵災調

查紀寔

陳陶遺題

民國十三年十二月一日印

調查者

過探先 李奎璧 張景歐 張而耕
李頌霞 管義達 傅煥光 吳國棟
原頌周 葉元鼎 鄒鍾琳 楊煥春
李永振 唐啓宇 孫繩武

編輯者

婁東 傅煥光

校訂者

嘉定 黃允之 太倉 朱愷儔
青浦 汪頌良 寶山 陶雲明
崑山 蔡望之 松江 陸規亮
上海 喬念椿 宜興 周聘庚
金山 沈從先 周七梧
沈士雄

發行者

江蘇兵災各縣善後聯合會
會址 上海法租界寧波路六號
電話 中央三三二

印刷者

上海商務印書館

齊盧戰爭形勢圖說明

齊方

齊盧戰爭。齊氏最後以崑山爲大本營。共分四路進兵。一二路爲蘇軍。復加入魯豫鄂各客軍。第三路爲王普之皖軍。第四路爲孫傳芳之閩軍。各路雖合作而不相統屬。其各路攻守計畫如下。

- 第一路 上海 取攻勢 分三路（一）中路由崑山安亭直趨黃渡南翔。沿滬寧路而達上海。有齊氏第六師及宮邦鐸朱熙等所部。（二）左路馬玉仁由太倉沿海東下。吳恒瓚由崑太沿劉河西下。會攻劉河。以拊吳淞之背。而以海軍攻其腹。（三）右路由安亭分兵攻白鶴江重固。擬橫趨松江。以斷滬杭路。
- 第二路 宜興 取守勢 傅象泰楊春普軍由常州赴宜興。分攻張渚湖汊烏溪。後加入白師陳旅。
- 第三路 廣德 取攻勢 由皖省旅長王晉等任之。由泗安趨吳興。經南潯平望而至嘉興。
- 第四路 仙霞關 取攻勢 孫傳芳所部由古田延平攻仙霞關下江山。由衢嚴抵杭。

盧方

盧永祥爲總司令。其攻守計畫分三路。

- 第一路 上海 取守勢 司令爲何豐林、朱聲廣、臧致平、楊化昭等。防線甚長。凡黃渡、南翔、劉河、嘉定、青浦等處。皆在範圍之內。
- 第二路 長興 取攻勢 司令爲陳樂山。第四師第十師各有一大部份加入。會攻宜興。其駐守湖州王賓之一旅。赴泗安禦敵。

第三路 江山 取守勢 司令爲潘國綱。浙江省軍第一師及第二師一部屬之。以禦孫軍入浙。

齊軍之第一路。與盧軍之第一路。相持於劉河黃渡及嘉定青浦一帶。爲時月餘。無勝負之可言。兩軍之第二路交戰於宜興南部。九月九日浙軍進佔蘭山渚。盧軍鍾團長部。所向無前。蘇軍紛紛潰退。適鍾團長陣亡。盧軍不進。後潘師自退。孫軍由江山進兵衢嚴。陳樂山退守松嘉。盧永祥督師滬上。及孫軍渡浦。盧何下野。聯軍退集寶山上海一帶。齊氏進駐真茹。克氏軍先佔龍化使署及高昌廟製造局。自九月三日黃渡開火。及十月十三日盧何下野。爲期四十日。齊軍參戰者主客軍十餘萬。盧軍略少。戰地遍十縣。誠東南之浩劫也。

馮夢華先生序

昨傳君煥光見過。以兵災調查紀實一編示予。且屬爲之序。編中所述兵區災狀。比於洪楊。且駕癸丑江寧而上之。流覽一通。欲哭無淚。惟方事救濟。無一息暇。且蔚芝仲仁兩同年之序。真摯警切。如予胸中所欲言。亦實無以易之。而傳君之意。不可以不答也。爰將前與紫公商榷兵振書。節錄以應。其書曰。前辱誦議。從事兵災。再辭不獲。茲事重大。端緒極紛。今就鄙見所及者數端。維公陳之。幸垂察焉。一調查者四項。曰傷人。曰焚屋。曰損失財產。曰損失田禾。四項全者爲最重。三項者次之。兩項者又次之。一項爲輕。然次之中。又以有傷人者爲最重。一籌辦者六項。曰開辦平糶。此亂定糧窮曰掩埋枯骸。穢氣所蒸曰募製棉衣。無衣者多曰儲備藥物。兵後必疫曰收養遺嬰。以免流落曰修理破屋。必多又明春應辦者一項。曰補給牛具籽種。戶之極貧者明春再行。免誤耕作。查明補發一官廳舉辦者十項。曰蠲免戰地錢糧。曰截留附加振捐。曰分募華僑振捐。曰禁米麥出口。曰停米麥捐。及木植捐。以利民食並減輕曰嚴防潰兵積匪。曰掃除遺棄軍火。如炸彈地雷等危險品爲戰時遺棄。曰平治軍用建築。如戰時所築壕壘有礙於曰設立官借錢局。而兵後一般民尤足爲地方隱患宜於各災區設臨時官立借錢局。酌量借貸。還日酌撥災區公款。凡災區可緩之各此籌備之大畧也。每一災區必先立一公團。舉一主任。凡平糶掩骼收嬰修圩之屬。皆就地籌辦。較爲便利切實。夫人之好善。誰不如我。滬上慈善機關林立。如紅十字會。爲中國總機關華洋義振會。爲中外總機關爲最大。廣仁堂。義振會。仁濟堂。濟生會。爲最久。此外似此者尙多。若能通力合作。分認災區。就會力之厚薄。分災區之廣狹。則人力財力。所節必多。且互相觀感。必更精進。亦無重復。如此會往振彼會偏枯或此會往振彼會不往振之弊。弟懷此願者有年。而迄未能達。如有同志贊成此

議。於義振前途裨益匪淺。此則弟所厚望也。書中所陳。卽弁簡端。以復於傳君。並俟蔚芝仲仁兩同年教之。
甲子冬十一月八十二叟金壇馮煦

緣起

齊盧戰爭相持月餘被災各縣元氣凋喪而農產之損失農民之顛連痛苦尤爲可憫韓省長眷念民瘼曾於十月二十日邀集旅寧國外慈善家及地方紳士開會討論賑務辦法以調查災區情況爲主要事務之一當請東大農科主任鄒秉文君主其事組織調查團分延東大農科教授過探先唐啟宇助理鄒鍾琳張而耕實業廳技術員李永振暨省立棉作試驗場場長李奎璧諸君前往上海松江青浦金山教授葉元鼎傅煥光助理孫繩武吳國棟諸君前往太倉寶山昆蟲局技師張景歐往宜興崑山嘉定則由農場主任原頌周助理楊煥春稻作試驗場場長管義達暨東大事務主任李仲霞先生擔任調查於二十四日乘輪南下紛赴各鄉實地勘災旬餘返寧編輯報告復由傅君煥光持赴上海與受災各縣士紳詳爲接洽增益頗多書成江蘇兵災各縣善後聯合會代爲刊行藉作此次吾蘇受軍閥躪蹂之信史且備官民辦賑之參考云

凡例

一 本屆調查以嘉定太倉寶山崑山青浦松江宜興上海金山九縣爲主

一 本屆調查曾訂有災區農事救濟調查表九月底出發戰事初平地方尙不安靖未能遍歷受災各鄉所到或因士民逃難未歸或因官紳接洽收束軍隊未能根據調查表詳詢填記

一 各縣兵災損失之估計本調查時之視察各市鄉董之報告編輯時又與出席上海江蘇兵災各縣善後聯合會代表詳細考訂

一 此次調查之目的冀悉各縣受災確實概況爲辦理賑務之標準至挨戶調查由地方自行辦理

一 本報告記載悉憑耳目所及秉筆直書調查者一無成見

一 各縣災區地圖按災况輕重分最重大重輕災三項最重用紅色標記次重用黃色標記輕災用藍色標記再於紅色中加★符號者爲災區焚燬民房之處

一 此次係分組調查記載未能一律且各以職務所羈調查期限甚短加以交通阻礙挂漏萬多願災區士民指示補正

唐蔚芝先生序

孟子曰。獸相食。且人惡之。禮記曰。有大鳥獸。失喪其羣。越月踰時焉。則必反巡過其故鄉。翔回焉。鳴號焉。蹶躅焉。踟躕焉。然後乃能去之。小者至於燕雀。猶有啁啾之頃焉。然後乃能去之。嗚呼。禽獸猶傷其同類。吾輩人類也。忍自殺其同類乎。忍自殺十數萬之同類乎。其傷心慘目。當何如矣。前有同志施君。赴黃渡調查兵災情形。歸而告我曰。途中見骷髏。或一肩。或一手。或一足。腐爛者不可勝數。偶於敗垣灰燼叢中。見一板門。有婦人臥草薪數莖中。哀哭。詢之。則曰。吾家十人。出而避難。中流彈死者七人。吾翁姑。吾父母。吾夫。吾子。皆死矣。歸家者三人耳。皆臥病。今又死一人。已數日矣。此薄板門。爲埋屍用也。言已。號啕哭。施君亦不覺淚下涔涔。急予錢米。爲之埋屍而去。施君曰。若是者。比比不勝述也。嗚呼。劉河吾故土也。祖宗塋墓之旁。遍掘濠溝。墓牆槍子如蜂窠。墓門被毀無一存。爲子孫者。忍淚茹痛。尙何言哉。吾鄉人之備受慘毒。何一非如施君之所述乎。及門傅君煥光。奉省長檄。偕諸同志赴兵災各區調查。歸作紀實一書。余披其圖。覽其條例。惻然怵目。井然中竅。求所以善後之方。不外是矣。然余更有進焉者。吾國民之苦况。固不能與泰西例。而兵災之慘。更不能與水旱凶荒例。諺云。放振如救火。若今日調查。明日調查。恐災民之飢餓而死者。已不知凡幾。蓋調查之時。卽災民餓死之時也。然則調查之後。宜如何急行振濟之方。往者余辦太倉水災振。因請領棉衣護照。延擱困難。迨棉衣運到新豐鄉。已凍死小孩一。鹿湖鄉已凍死老嫗一。至今引爲大疚。夫調查而不施振濟。是造福而適以作孽也。嗚呼。世之閱是編者。其尙懷之哉。其尙懷之哉。蔚芝唐文治敘。

王丹揆先生序

孟子曰。仁則榮。不仁則辱。今之軍人。身居高位。殘民以逞。皆不仁之甚者也。一旦民怨沸騰。軍心亦去。至於身敗名裂。辱莫大焉。禍福無不自己求之者。其信然歟。劉河朱君愷。傳寄示江蘇兵災調查紀實。余閱之。未竟。涕泗交流。不知哀之何從也。彼戰區人民之躬被蹂躪。目擊心傷者。其悲憤當何如耶。夫紀實僅及九縣。直接損失在六千萬元以上。其他各縣受兵災波及者。間接損失之數。亦必不少。我蘇人酷好和平。而卒不能免此大禍者。要自有故。民國以來。戰禍多矣。袁世凱以稱帝而戰。張勳以復辟而戰。東海在位。則有直皖之戰。直奉之戰。吳佩孚狃於兩次倖勝。決用武力統一計畫。於是以川攻川。以粵攻粵。塗炭生靈。在所不恤。齊燮元野心勃勃。尤而效之。四省攻浙。信爲勝算。孰知臨時張皇請援。乃爲八省攻蘇。簡言之。直以蘇攻蘇耳。天道好還。捷於影響。其結局則以直攻直。而吳齊同遭失敗。然數年來各省兵災。其區域之廣。必什伯倍於我蘇之九縣可知。各省人民之顛連無告。其直接損失。必什伯倍於我蘇之六千萬元可知。我蘇人平日聞各省之變亂。人民之流離。未嘗不太息痛恨於軍人之無道。而獨對於本省軍人。優容太過。兵額擴張則聽之。兵費浮濫則聽之。絕未加以裁抑。有所防維。迨其禍之已發。雖悔何及。非所謂養虎自遺患耶。是我蘇人亦不得不引咎自責者也。抑余念孟子禍福自求之說。而重有感焉。齊氏主戰宣言。有滌除淤滬積穢之說。蓋指軍警販運鴉片而言。嗚呼。齊氏而真知鴉片之害民耶。大江南北。無往不毒煙瀰漫。而獨責淤滬耶。雖三尺童子。亦必能辨其言之誑也。日內瓦禁煙會議。各友邦均以吾國煙禁廢弛。詰責綦嚴。而我軍人盤踞地方。或勒種鴉片。或販運鴉片。皆以籌餉爲名目。構此不義之行爲。我中華政尙共和。號稱民國。假使人民共知吸食鴉片之可恥。毅然自行禁

止并監視議員官吏之夙有嗜好者。一一檢舉而被飾之。則種植者與販運者。無利可營。其害自絕。奈何不此之圖。而忍受友邦之詰責乎。石埭楊仁山著鴉片說。略云吸煙之筒。名之曰鎗。鎗者殺人之具。吸煙則舉鎗以自殺也。余謂煙禍復起。國多自殺之人。與夫兵戈徧地。殺機四伏。皆厲氣感召之所致。非偶然也。黠武者殺人。謂之不仁。好義之君子。猶能調查兵災。爲之籌振濟。索賠償。吸煙者之自殺。無振濟賠償之可言。所冀調查兵災諸君。進而調查煙災。擴悲憫之宏願。期勸戒之實施。己立立人。己達達人。被其澤者。奚止九縣。漏卮之減少。奚止六千萬元。是故救兵災。急矣。救煙災尤急。人徒知裁兵以弭戰禍。而不知拒毒以弭煙禍。之與軍事有關。尤我國人所當嚴重注意者也。爲人民謀幸福。爲國際增光榮。戢兵禍而消煙毒。二者並行。其庶幾乎。民國十三年十二月王清穆

張仲仁先生序

東大農科主任鄒君秉文。以江蘇兵災調查紀實告成。問序於余。閱未終篇。而心爲之搖。而手爲之顫。不自知其涕之何從也。嗚呼。余非忝顏爲和平代表之一人。而手擬江浙和平公約於一年以前者哉。何爲而有此傷心慘目之兵災紀實也。余又何忍序此編哉。猶憶八月二十一日。謁蘇省軍事當局於南京。極言戎首之不可居。兵凶戰危之不可恃。如公必欲戰者。吾無以歸見父老子弟。請以鼙鼓。乃當局自詡軍紀如何整肅。防禦如何周密。余含淚言。小民何罪。如有一線弭兵之望。當與浙省代表磋商丁寧而別。二十五日與浙省代表相晤於滬。盛君竹書等赴杭。泣請浙當局。尙聲言人不犯我。我不犯人。同人等見情勢日緊。乃爲治標計。倡緩衝地線之議。請兩省各派參謀一員到滬計畫。浙參謀陳君既來。蘇參謀高君不至。而九月三日已以開戰聞矣。此數月中。憂傷憔悴。奔走京津間。冀爲災民謀救濟之方。而戰禍延長。牽動全局。萬方一概。呼籲無門。夢寐之間。時見槍林彈雨中。男婦呼號慘痛之狀。與斷頭折頸之慘。孝子貞婦含冤不瞑之魂魄。叫天而訴無辜。猶有鬼神。豈無精爽。九月間。余與友人書云。和平和平。世界萬般之罪惡。假汝以行。又與顧少川電云。政府不能息戰。是無政府。蘇人不能弭兵。是謂蘇無人。嗚呼。吾和平代表。不職之罪。上通於天矣。我蘇人其誌之。閱此編而不墮淚者。必非人也。天道之無知耶。人謀之不臧耶。吾又何詞以謝蘇人哉。民國十三年十二月吳縣張一麀。

黃任之先生序

余於齊盧戰事之告終。亦嘗周歷災區。目擊種種慘况。著爲日記。記畢。得感想若干條。適傅君煥光輯江蘇兵災調查記實。寫以弁諸其端。

當未戰之先。余既惕於禍至之無日。隨諸父老後。呼籲和平矣。雖然。猶未料戰事之禍吾民。若是其烈也。觀此。方信古人兵凶戰危之語。誠爲閱歷之言。安得令主持作戰者。與贊助作戰者。悉其家宅妻孥。以一試凶暴之鋒。吾知其沒世不敢復言戰矣。

戰前之拉夫充役。慘矣。吾行鹽鐵塘一帶。互長之戰線。兩岸屋頂着砲彈。成窟窿。搖搖欲墮。牆着槍彈。密如繁星。尤慘已。然尙未及所見劉河、嘉定、方泰、黃渡、南翔、真茹等處。被劫被掠被辱之暗無天日也。方知戰爭直接之摧殘。尙有限度。所更難堪者。在彼而不在此。治軍無術之罪。尙可追耶。或謂事出於長官之故縱。否則青天白日。公然縱火。公然運賊售贓。何以熟視若無睹。是說也。吾亦無以難之。

吾嘗周歷災區。而研究兵士之心理。對於種種非法行爲。曰若者發於其貪心也。若者發於其慾念也。所不可解者。見物即非攫取。亦必毀滅。以故所至門窗、家具、衣物、搗碎撕殘。狼籍縱橫。不可遍視。此其暴戾凶狠之變態心理。謂非獸性發見。不可得已。戰爭者。利用人類殘留之獸性而已矣。安得普及教育。使人人更無利用之餘地。


或謂此大戰略有一端略見進化即殺人之多尙不及故老所傳洪楊時之尤甚其他實完全無異高級軍官。發號施令而已。與兵相親者。實惟下級軍官。

吾行嘉定城東門外。獨見完善。叩之曰。下級某軍官約束兵士甚嚴。一到彼處。布置極有條理。故居民獨受嘉惠。然則下級軍官之訓練。亦國家軍政上之重要問題也。

嘉定當戰事之殷。戴君思恭冒險留城。照料一切。始終不去。使軍隊與地方。因感情關係。無形中保全不少。吾敬戴君。而思及吾人爲鄉里服務處。此境地之爲難。夫避危就安。人有同心。苟一念窮苦人家。力不能遷地者。尙不知凡幾。聽其供人蹂躪。吾心何安。因此一點熱烈之同情心。或可鼓起臨時之勇氣。如戴君者。可以風焉。吾人其自勉此等時機。應視爲服務社會之最好機會。

吾因此次戰事而感及江蘇今日之民性。民風柔弱至此。爲大可憂矣。兩粵八閩。語其流弊。則械鬪仇殺。要其强悍之氣。有事尙足以自衛。余川沙人也。猶憶少時。濱海村落。農隙習拳。所謂拳場者。隨地而有。洪楊之變。某地某地。皆鄉兵戮長髮處。故老類能道之。今之軍閥互閥。呼籲無效。本爲有民意無民力之表徵。而戰前戰後。任人蹂躪。莫敢誰何。抵抗力之缺乏。至於斯極。徵前愆後。非力謀挽救不可。其道維何。一、整頓水陸巡警。二、各地各業組織自衛團。三、學校施行軍事教育。四、學校及社會盡力提倡體育。其詳容別論之。


嗟哉。十三年來。各地受兵禍類於此。或更甚於此者。豈可勝數。不過從前得之耳聞。今乃身親其境。而蘇人雖弱。猶有筆能寫。有口能說。有報紙能宣傳。他地或併此無之。尤可哀已。今日者。謂政權遂能統一乎。謂政權統一遂能實行裁兵乎。謂裁兵遂無後患乎。自吾思之。非至教育發達。社會經濟發達。人人有常識。有恆業。不屑爲軍閥所僱爲殺人之兵。而祇樂爲義務民兵制度下之國家義兵。則吾同胞含痛茹苦。正未有已耳。十三年十二月十五日黃炎培



口出載滿續陸船鹽扣被梢市西河劉




家歸船乘民災僑仙望



里返車塌趁民災河劉



狀之載捆士兵梢市南翔南



拔開滿載士兵梢市南翔南



房新之後劫宅朱鎮新河劉



狀之燬焚房市茹真



狀之燬焚房民浦青